



# SLUŽBENE NOVINE OPĆINE KAKANJ

IZDAVAČ:  
Općina Kakanj  
GODINA XXIII

Broj 9/19  
Datum: 27.08.2019.  
Akti: 151-159.

GRAFIČKA PRIPREMA I ŠTAMPA:  
STRUČNA SLUŽBA ZA POSLOVE  
OPĆINSKOG VIJEĆA

151.  
BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
OPĆINA KAKANJ  
Općinsko vijeće

Broj: 01/1-33-233/19

Kakanj, 14.08.2019. godine

Na osnovu člana 1. i 46. Zakona o budžetima u Federaciji BiH („Službene novine Federacije BiH“, broj: 102/13), člana 24. i 118. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 33. sjednici, održanoj 14.08.2019. godine, donijelo je

## O D L U K U

o izmjeni i dopuni Budžeta Općine Kakanj za 2019. godinu

### Član 1.

U Budžetu Općine Kakanj za 2019. godinu, broj: 01/1-25-368/18 od 31.12.2018. godine („Službene novine Općine Kakanj“, broj: 1/19), u članu 1. mijenja se:

- u tabeli „**A. PRIHODI I PRIMICI**“ u koloni „**Budžet za 2019. godinu**“, mijenja se iznos „26.799.847,19 KM“ i stoji iznos „27.053.847,19 KM“,

- u tabeli „**B. RASHODI I IZDACI**“ u koloni „**Budžet za 2019. godinu**“, mijenja se iznos „26.799.847,19 KM“ i stoji iznos „27.053.847,19 KM“.

### Član 2.

U članu 2. u tabeli „**A. PRIHODI I PRIMICI**“ i tabeli „**B. RASHODI I IZDACI**“ mijenjaju se sljedeće pozicije:

#### A.1. Prihodi

- Pozicija „Naknada za osiguranje od požara“ (ekonom. kod 722432) dosadašnji iznos od

„42.500,00 KM“ mijenja se i glasi „47.500,00 KM“,

- Pozicija „Naknada za korištenje građevinskog zemljišta“ (ekonom. kod 722434), dosadašnji iznos od „50.000,00 KM“ se mijenja i glasi „130.000,00 KM“,

- Pozicija „Vlastiti prihodi budžetskih korisnika-JU KSC“ (ekonom. kod 722631), dosadašnji iznos od „221.140,00 KM“ mijenja se i glasi „246.140,00 KM“,

- Pozicija „Vlastiti prihodi budžetskih korisnika-JU Mladost“ (ekonom. kod 722631), dosadašnji iznos od „131.900,00 KM“ mijenja se i glasi „134.900,00 KM“,

- Pozicija „Ostale neplanirane uplate“ (ekonom. kod 722791), dosadašnji iznos od „10.000,00 KM“ mijenja se i glasi „87.300,00 KM“,

- Pozicija „Novčane kazne po Općinskim propisima“ (ekonom. kod 723133), dosadašnji iznos od „10.000,00 KM“ mijenja se i glasi „27.000,00 KM“,

- Uvodi se nova pozicija prihoda „Primljeni transfer FBiH – izgradnja pratećih sadržaja na deponiji Bare“ (ekonom. kod 732112) u iznosu 26.700,00 KM,

- Uvodi se nova pozicija prihoda „Transfer po Odluci Vlade Ze-Do kantona, broj: 02-14-9940/19, transfer Općini Kakanj za hitne intervencije“ (ekonom. kod 732114) u iznosu od 10.000,00 KM,

- Uvodi se nova pozicija prihoda „Transfer Ministarstva za boračka pitanja Ze-Do kantona za neprofitne organizacije“, broj 02-14-9940/19 (ekonom. kod 732114) u iznosu od 10.000,00 KM.

#### B. Rashodi i izdaci

II Posebni dio

0101001 Stručna služba za poslove Općinskog vijeća

- Pozicija „Sredstva Općinskoj izbornoj komisiji za materijalne troškove“ (ekonom. kod 613900) dosadašnji iznos od „12.000,00 KM“ mijenja se i

glasi „6.000,00 KM“. Ostale pozicije u ovoj Službi se ne mijenjaju.

0201001 Stručna služba za poslove Općinskog načelnika

- Pozicija „Ugovori o djelu i privremenim i povremenim poslovima“ (ekonom. kod 613900) dosadašnji iznos od „20.000,00 KM“ mijenja se i glasi „25.000,00 KM“,
- Pozicija „Ostale usluge“ (ekonom.kod 613900) dosadašnji iznos od „14.000,00 KM“ mijenja se i glasi „20.000,00 KM“,
- Iza pozicije „Ostale usluge“, uvodi se nova pozicija rashoda „Troškovi uvođenja FUK-a“ u iznosu od 6.500,00 KM,
- Pozicija „Transfer sredstava naknade za korištenje građevinskog zemljišta“ (ekonom. kod 614300) dosadašnji iznos od „50.000,00 KM“ mijenja se i glasi „130.000,00 KM“,
- Iza pozicije „Transfer sredstava naknade za korištenje građevinskog zemljišta“ uvodi se nova pozicija „Transfer neprofitnim organizacijama iz Ministarstva za boračka pitanja Ze-Do kantona“ (ekonom. kod 614300) u iznosu od 10.000,00 KM,
- Pozicija „Povrat poreza i drugih prihoda po rješenjima nadležnih organa“ (ekonom.kod 614800) dosadašnji iznos od „35.000,00 KM“ mijenja se i glasi „65.000,00 KM“. Ostale pozicije u ovoj Službi se ne mijenjaju.

0401001 Služba za privredu, urbanizam i zaštitu okoline

- Uvodi se nova pozicija rashoda „Transfer JP Vodokom za izgradnju pratećih sadržaja na deponiji Bare“ (ekonom. kod 615400, Fond 0111, F-cija 0531) u iznosu od 26.700,00 KM.

0701002 JU Kulturno-sportski centar Kakanj

- Pozicija „Usluge reprezentacije“ (ekonom. kod 613900) dosadašnji iznos od „3.000,00 KM“ mijenja se i glasi „5.000,00 KM“,
- Pozicija „Izdaci za autorski honorar“ (ekonom. kod 613900) dosadašnji iznos od „15.000,00“ KM mijenja se i glasi „25.000,00 KM“,
- U dijelu „Ugovorene i druge posebne usluge“ (ekonom. kod 613900), pozicije „Izdaci za Ugovore o djelu“ (Ostali ugovori, Muzejska djelatnost, Sport, Obrazovanje i rad Ski-centra) se objedinjuju u jednu poziciju pod nazivom „Izdaci za ugovore o djelu“, te se njihov dosadašnji zbirni iznos od „19.000,00 KM“ mijenja i glasi „29.000,00 KM“,
- Pozicija „Izdaci za poreze za ugovorene obaveze“ (ekonom. kod 613900) dosadašnji iznos od „9.400,00 KM“ mijenja se i glasi „11.400,00 KM“,

- Pozicija „Posebna naknada na dohodak za zaštitu od prirodnih i drugih nesreća“ (ekonom. kod 613900) dosadašnji iznos od „3.300,00 KM“ mijenja se i glasi „3.800,00 KM“,
- Pozicija „Opća vodna naknada“ (ekonom. kod 613900) dosadašnji iznos od „3.300,00 KM“ mijenja se i glasi „3.800,00 KM“. Ostale pozicije u ovoj Javnoj ustanovi se ne mijenjaju.

0701003 JU za predškolski odgoj i obrazovanje „Mladost“ Kakanj

- Pozicija „Izdaci za porez i doprinose,“ (ekonom. kod 613980) dosadašnji iznos od 2.000,00 KM mijenja se i glasi 5.000,00 KM. Ostale pozicije u ovoj Javnoj ustanovi se ne mijenjaju.

0701004 JU Centar za socijalni rad Kakanj

- Pozicija „Grantovi pojedincima, Općina Kakanj - stimulacija nataliteta“ (ekonom. kod 614200) dosadašnji iznos od „80.000,00 KM“ mijenja se i glasi „120.000,00 KM“. Ostale pozicije u ovoj Javnoj ustanovi se ne mijenjaju.

0801001 Služba za opću upravu, radne i zajedničke poslove, lokalnu samoupravu i mjesne zajednice

- Pozicija „Sitan inventar“ (ekonom. kod 613400) dosadašnji iznos od „3.000,00 KM“ mijenja se i glasi „6.000,00 KM“. Ostale pozicije u ovoj Službi se ne mijenjaju.

0901001 Služba civilne zaštite

- Uvodi se nova pozicija rashoda „Transfer neprofitnim organizacijama“ (ekonom. kod 614300, Fond 0111, F-cija 0321) u iznosu od 5.000,00 KM,
- Uvodi se nova pozicija rashoda „Transfer Zavodu za planiranje“ (ekonom. kod 614300, Fond 0411, F-cija 0351), Transfer po Odluci Vlade Ze-Do kantona, broj: 02-14-9940/19 Općini Kakanj za hitne intervencije u iznosu od 10.000,00 KM,
- Pozicija „Program utroška sredstava od naknada za zaštitu od požara (722432, 722583 i 722584)“ (ekonom. kod 821000) dosadašnji iznos od „12.500,00 KM“ mijenja se i glasi „15.000,00 KM“. Ostale pozicije u ovoj Službi se ne mijenjaju.

### Član 3.

Ova Odluka stupa na snagu danom donošenja, a bit će objavljena u „Službenim novinama Općine Kakanj.“

**PREDSJEDAVALAČI  
OPĆINSKOG VIJEĆA**  
Slaven Katičić, sr.

152.

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO – DOBOJSKI KANTON**  
**OPĆINA KAKANJ**  
**Općinsko vijeće**  
**Broj: 01/1-33-234/19**  
**Kakanj, 14.08.2019. godine**

Na osnovu člana 8. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08), te Prostornog plana općine Kakanj 2010.-2030. i Odluke o provođenju Prostornog plana općine Kakanj za period 2010.-2030. („Službene novine Općine Kakanj“, broj: 6/10, 3/12, 14/13, 6/14 i 6/17), a u vezi sa članom 5. stav 4. Zakona o koncesijama („Službene novine Federacije BiH“, broj: 40/02 i 61/06), Zaključkom Općinskog vijeća, broj: 01/1-14-482/17 od 30.11.2017. godine („Službene novine Općine Kakanj“, broj: 14/17), te Izvještajem o provedenoj javnoj raspravi, broj: 04/1-1826/17 od 18.12.2017. godine, u vezi zahtjeva Ministarstva za privredu Zeničko – dobojskog kantona za izdavanje saglasnosti za dodjelu koncesije privrednom subjektu ZD RMU „Kakanj“ d.o.o. Kakanj za istraživanje i eksploataciju mineralne sirovine uglja na području općine Kakanj, broj: 04-18-8474-2/17 od 13.11.2017. godine i Studije o ekonomskoj opravdanosti dodjele predmetne koncesije, Općinsko vijeće na 33. sjednici, održanoj 14.08.2019. godine, donijelo je

### **O D L U K U**

**o izmjenama i dopunama Odluke o davanju prethodne saglasnosti za dodjelu koncesije privrednom subjektu ZD RMU „Kakanj“ d.o.o. Kakanj za istraživanje i eksploataciju mineralne sirovine uglja na području općine Kakanj**

#### **Član 1.**

U Odluci o davanju prethodne saglasnosti za dodjelu koncesije privrednom subjektu ZD RMU „Kakanj“ d.o.o. Kakanj za istraživanje i eksploataciju mineralne sirovine uglja na području općine Kakanj, broj: 01/1-15-548/17 od 28.12.2017. godine („Službene novine Općine Kakanj“, broj: 1/18), član 2. mijenja se i glasi:

„Saglasnost iz člana 1. ove Odluke daje se pod uslovom da ZD RMU „Kakanj“ d.o.o. Kakanj:

- Obavlja koncesionu djelatnost i rudarske radove u skladu sa važećim propisima iz oblasti rudarstva, koncesija, zaštite okoline, prostornog planiranja i građenja, vodoprivrede, šumarstva, zaštite ljudi i imovine, zaštite od požara, zaštite na radu, zaštite kulturno-histrijskog i prirodnog nasljeđa i ostalim propisima koji regulišu oblast eksploatacije mineralnih sirovina, te u skladu sa uslovima utvrđenim u urbanističkoj saglasnosti i okolinskoj dozvoli, kao i drugim dozvolama, odobrenjima i saglasnostima;
- U skladu važećim propisima ishoduje i pribavi sve relevantne dozvole, saglasnosti i odobrenja za istraživanje i eksploataciju mineralne sirovine uglja na području općine Kakanj, odnosno za obavljanje koncesione djelatnosti i rudarskih radova;
- Od nadležnih ministarstava ishoduje i pribavi novu urbanističku saglasnost i okolinsku dozvolu za odobreno eksploataciono polje, a u skladu sa važećim propisima iz oblasti rudarstva, prostornog planiranja, uređenja, građenja i korištenja zemljišta;
- Izmjeni i dopuni Studiju o ekonomskoj opravdanosti dodjele predmetne koncesije u skladu sa članom 5. ove Odluke;
- Prema projektu izvođenja rudarskih radova, u kontinuitetu vrši sanaciju zemljišta i tehničku rekultivaciju devastiranih površina nastalih usljed rudarskih radova;
- U skladu sa projektom i dozvolom za obustavu eksploatacije, te važećim propisima iz oblasti rudarstva, zaštite okoliša i upravljanja otpadom, izvrši sanaciju i tehničku rekultivaciju napuštenih eksploatacionih površina koje su oštećene, degradirane i devastirane rudarskim radovima, a na kojima je potpuno ili trajno obustavljeno izvođenje rudarskih radova na eksploataciji mineralnih sirovina (privredno društvo ne može dobiti odobrenje za eksploataciju na novom eksploatacionom polju, ako ne izvrši sanaciju i tehničku rekultivaciju na ranijem odobrenom eksploatacionom polju, odnosno dužno je izvršiti zatvaranje rudarskog objekta na kojem prestaje eksploatacija, sanaciju zemljišta oštećenog rudarskim radovima i rekultivaciju okoliša, te otkloniti posljedice nastale pri izvođenju rudarskih radova i dr.);
- Poduzme posebne mjere zaštite u vezi odlaganja sekundarnih sirovina separacijske i druge jalovine nastale kao produkt prerade i oplemenjivanja uglja (zaštita od samoupale uglja sadržanog u odloženoj jalovini; zaštita od nastajanja klizišta odlagališta; zaštita od

- onečišćenja izvorišta, vodotokova u bližoj okolini odlagališta, kao i i zaštita cjelokupnog susjednog okoliša);
- Prije obavljanja konačne sanacije provede mjere obezbjeđenja i osiguranja, kako bi se trajno isključile opasnosti po život i zdravlje ljudi i imovine, te mogući uzročnici zagađenja okoliša, odnosno štete na objektima i okolišu;
  - Poduzme mjere i aktivnosti na sanaciji klizišta u naseljenim mjestima Brnj, Mramor, Ribnica, Donji Kakanj, Bijele vode i Kučići, a ukoliko se utvrdi da su ista izazvana promjenama u prostoru usljed aktivnosti i izvođenja rudarskih radova od strane ZD RMU „Kakanj“ d.o.o. Kakanj;
  - Poduzme mjere i aktivnosti na sanaciji i stabilizaciji klizišta i deponije rudničke jalovine „Bare“, kako bi se trajno isključila opasnost po život i zdravlje ljudi i imovine;
  - Kao izvođač rudarskih radova, spriječi nastanak štetnih posljedica po druge subjekte i okoliš, te da izvršava obaveze naknade svih troškova za otklanjanje šteta nastalih kao posljedica rudarskih radova, a u skladu sa odredbama Zakona o rudarstvu Federacije BiH („Službene novine FBiH“, broj: 26/10);
  - Na svim područjima eksploatacionog polja zadrži dosadašnji režim građenja propisan Prostornim planom općine Kakanj 2010.-2030. i Odlukom o provođenju Prostornog plana općine Kakanj za period 2010.-2030. („Službene novine Općine Kakanj“, broj: 6/10, 3/12, 14/13, 6/14 i 6/17);
  - Na koncesionom području koje se odnosi na površinsku eksploataciju jasno definiše termin plan eksproprijacije, isplate naknade i iseljenja stanovništva, koji ne može biti duži od tri godine od dana potpisivanja ugovora o koncesiji;
  - U roku dvije godine od dana potpisivanja ugovora o koncesiji, na dionici od buduće brane na rijeci „Ribnici“ do regionalne ceste R-445, kroz eksploataciono polje PK „Vrtlište“, izgradi funkcionalnu asfaltiranu saobraćajnicu za putnička i teretna motorna vozila, na način i prema uslovima utvrđenim u novoj urbanističkoj saglasnosti. Postojeća saobraćajnica mora biti prohodna do momenta izgradnje nove saobraćajnice. Napominjemo da je ZD RMU „Kakanj“ d.o.o. Kakanj, odlaganjem rudničke jalovine na deponiji/odlagalištu PK „Vrtlište“, samovoljno i bez ičije validne saglasnosti i odobrenja u potpunosti zatrpao i uništio dio javnog puta odnosno postojeće saobraćajnice (javni put koji je uknjižen i ucrtan u katastarskom operatu Općine Kakanj kao državna svojina 1/1), k.č. br. 471, PL 168, K.O. Donji Kakanj i tako uništio saobraćajnicu kojom se decenijama odvijao saobraćaj, te prekinuo putnu komunikaciju prema četiri mjesne zajednice u kojima živi nekoliko hiljada ljudi. Radi se o dionici regionalne ceste R-457 Zenica - kantonalna bolnica - Kasapovići - Kovačići - Arnauti - Ribnica - Donji Kakanj, koja je od 15.03.2018. godine, prešla u nadležnost Zeničko-dobojskog kantona. Trasa nove saobraćajnice se mora definisati u svim aktima neophodnim za dozvolu za eksploataciju (nova urbanistička saglasnost, okolinska dozvola, rudarski projekat i dr.). Parcele koje se vode kao D.S. javno dobro putevi, a nalaze se u eksploatacionom polju PK „Vrtlište“ će se i dalje isto tretirati. Nakon izgradnje nove saobraćajnice, formirat će se nova parcela koja prati tu saobraćajnicu i ista će se uknjižiti kao D.S. javno dobro putevi, uz obavezu isknjiženja parcela koje su do tog momenta imale taj status;
  - U roku 15 godina od dana potpisivanja ugovora o koncesiji izmjeni način transporta uglja od jame „Haljinići“ do pogona „Separacija“ i to na način da se transport uglja vrši podzemnim transportnim sistemima, te da se potpuno ukine postojeći pružni i cestovni transport;
  - U roku dvije godine od dana potpisivanja ugovora o koncesiji, poslove i aktivnosti na pogonu „Separacija“ organizira i obavlja na način kojim se ne ugrožava sigurnost i bezbjednost učesnika u saobraćaju na regionalnoj cesti R-445. Odvijanje saobraćaja regionalnom cestom R-445 mora biti nesmetano i fizički odvojeno zaštitnim ogradama od aktivnosti i radova na pogonu „Separacija“;
  - Vršanjem koncesione djelatnosti, eksploatacijom uglja i izvođenjem rudarskih radova ne smije ugroziti postojeća izvorišta vode za piće, vodoprivredne objekte za snabdijevanje naselja vodom i vodotoke (označiti na terenu i na karti);
  - Vršanje koncesione djelatnosti, eksploatacija uglja i izvođenje rudarskih radova ne može se obavljati na mjestima i na način koji ugrožava kulturno-histrijsko nasljeđe, zaštićena područja, objekte i kulturna dobra, odnosno bez znanja i saglasnosti nadležnih organa i institucija (Komisija za očuvanje nacionalnih spomenika BiH, Zavod za zaštitu spomenika FBiH i dr.).

**Član 2.**

Ova Odluka stupa na snagu danom donošenja, a bit će objavljena u „Službenim novinama Općine Kakanj.“

**PREDSJEDAVALAČI  
OPĆINSKOG VIJEĆA**

Slaven Katičić, sr.

153.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
OPĆINA KAKANJ**

**Općinsko vijeće**

Broj: 01/1-33-235/19

Kakanj, 14.08.2019. godine

Na osnovu člana 8. stav 3. i člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. stav 1. tačka 2. i 4. Statuta Općine Kakanj („Službene novine Općine Kakanj“, broj: 4/08) i člana 96. stav 2. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 33. sjednici održanoj 14.08.2019. godine, donijelo je

**ZAKLJUČAK**

**o preduzimanju mjera i aktivnosti za  
zaključenje ugovora o koncesiji za istraživanje  
i eksploataciju energetske mineralne sirovine-  
mrkog uglja**

**Član 1.**

Općinsko vijeće, u okviru vlastite nadležnosti Općine Kakanj za utvrđivanje politike upravljanja prirodnim resursima, a uzimajući u obzir zaključke sa sastanka premijera Zeničko-dobojskog kantona sa predstavnicima ZD RMU „Kakanj“ d.o.o. Kakanj i Općine Kakanj, na temu dodjele koncesije za istraživanje i eksploataciju mrkog uglja na području općine Kakanj:

- a) daje podršku nastojanjima da dođe do zaključenja ugovora o koncesiji za istraživanje i eksploataciju mineralnih sirovina – mrkog uglja na ležištu u području općine Kakanj
- b) daje saglasnost Općinskom načelniku i Općinskom pravobranilaštvu za poduzimanje svih procesnopравnih i drugih radnji koje će rezultirati zaključenjem ugovora o koncesiji, uključujući i odustajanje od dvije revizije i

povlačenje tužbe koje je Općina Kakanj podnijela protiv ZD RMU „Kakanj“ d.o.o. Kakanj, Zeničko-dobojskog kantona i Federacije Bosne i Hercegovine za naknadu štete zbog nezaključenja ugovora o koncesiji, a nakon što Vlada Zeničko-dobojskog kantona donese odluku o pokretanju procedure dodjele koncesije za istraživanje i eksploataciju mineralnih sirovina – mrkog uglja na ležištu u području općine Kakanj

- c) ovlašćuje se Općinsko pravobranilaštvo da podnese tužbu za naknadu štete za period 2015., 2016., 2017. i 2018. godina, ukoliko ne dođe do zaključenja ugovora o koncesiji najkasnije do 30.11.2019. godine.

**Član 2.**

Ovaj Zaključak stupa na snagu danom donošenja, a bit će objavljen u „Službenim novinama Općine Kakanj.“

**PREDSJEDAVALAČI  
OPĆINSKOG VIJEĆA**

Slaven Katičić, sr.

154.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
OPĆINA KAKANJ**

**Općinsko vijeće**

Broj: 01/1-33-236/19

Kakanj, 14.08.2019. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08), člana 61. Odluke o izvršenju Budžeta Općine Kakanj za 2019. godinu („Službene novine Općine Kakanj“, broj: 1/19) i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 33. sjednici, održanoj 14.08.2019. godine, donijelo je

**ODLUKU**

**o izmjeni i dopuni Programa utroška  
namjenskih sredstava za zaštitu okoline  
Općine Kakanj za 2019. godinu**

**Član 1.**

U Programu utroška namjenskih sredstava za zaštitu okoline Općine Kakanj za 2019. godinu, mijenja se i dopunjava sljedeće:

- u tabeli broj 3. „Projekti redovnog održavanja i projekti za 2019. godinu“,

tačka 19., u koloni „Naziv projekta“, mijenja se naziv projekta „Izgradnja azila za pse“ i stoji „Izgradnja javne LED rasvjete Ponijeri“, dok u koloni „Iznos sredstava“ ne dolazi do promjene.

**Član 2.**

U ostalom dijelu Program utroška namjenskih sredstava za zaštitu okoline Općine Kakanj za 2019. godinu, ostaje neizmjenjen.

**Član 3.**

Ova Odluka stupa na snagu danom donošenja, a bit će objavljena u „Službenim novinama Općine Kakanj.“

**PREDSJEDAVALAČI  
OPĆINSKOG VIJEĆA**

Slaven Katičić, sr.

**155.**

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
OPĆINA KAKANJ**

**Općinsko vijeće****Broj: 01/1-33-237/19****Kakanj, 14.08.2019. godine**

Na osnovu člana 24. Statuta Općine Kakanj („Službene novine Općine Kakanj“, broj: 4/08), člana 55. Odluke o izvršenju Budžeta Općine Kakanj za 2019. godinu („Službene novine Općine Kakanj“, broj: 1/19) i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 33. sjednici, održanoj 14.08.2019. godine, donijelo je

**O D L U K U**

**o izmjeni i dopuni Programa utroška  
neraspoređenog dijela namjenskih sredstava  
od prihoda preduzeća ostvarenih radom  
termoelektrana za 2019. godinu**

**Član 1.**

U Programu utroška neraspoređenog dijela namjenskih sredstava od prihoda preduzeća ostvarenih radom termoelektrana za 2019. godinu, mijenja se i dopunjava sljedeće:

- u tabeli broj 1. „Ugovoreni a nerealizovani projekti iz 2018. godine i projekti za 2019. godinu“, tačka 34. „Izgradnja javne rasvjete Ponijeri“, u koloni „Iznos sredstava“ mijenja se iznos i stoji „6.732,10 KM“;

- u tabeli broj 1. „Ugovoreni a nerealizovani projekti iz 2018. godine i projekti za 2019. godinu“, dodaje se nova tačka pod rednim brojem 44. pod nazivom „Izgradnja azila za pse“, a u koloni „Iznos sredstava“ stoji iznos „80.000,00 KM“.

**Član 2.**

U ostalom dijelu Program utroška neraspoređenog dijela namjenskih sredstava od prihoda preduzeća ostvarenih radom termoelektrana za 2019. godinu, ostaje neizmjenjen.

**Član 3.**

Ova Odluka stupa na snagu danom donošenja, a bit će objavljena u „Službenim novinama Općine Kakanj.“

**PREDSJEDAVALAČI  
OPĆINSKOG VIJEĆA**

Slaven Katičić, sr.

**156.**

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
OPĆINA KAKANJ**

**Općinsko vijeće****Broj: 01/1-33-239/19****Kakanj, 14.08.2019. godine**

Na osnovu člana 24. i 71. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 33. sjednici, održanoj 14.08.2019. godine, donijelo je

**O D L U K U**

**o raspisivanju i održavanju izbora za članove  
savjeta u Mjesnim zajednicama Bištrani,  
Gornja Ričica, Kučići i Plandište**

**Član 1.**

Raspisuju se izbori za članove savjeta Mjesnih zajednica Bištrani, Gornja Ričica, Kučići i Plandište.

**Član 2.**

Izbori će se tajnim glasanjem održati:

1. Bištrani dana 24.08.2019. godine od 09 h do 12 h;
2. Gornja Ričica dana 24.08.2019. godine od 14 h do 17 h;
3. Kučići dana 25.08.2019. godine od 09 h do 12 h;

4. Plandište dana 31.08.2019. godine od 09 h do 12 h.

#### Član 3.

Općinsko vijeće Općine Kakanj će posebnim rješenjem imenovati Komisiju za provođenje izbora. Stručnu, tehničku i administrativnu pomoć Komisiji pružit će Služba za opću upravu, radne i zajedničke poslove, lokalnu samoupravu i mjesne zajednice Općine Kakanj.

#### Član 4.

Rezultate izbora utvrdit će i proglasiti Komisija za provođenje izbora, a iste će potvrditi Općinsko vijeće.

#### Član 5.

Ova Odluka stupa na snagu danom donošenja, a bit će objavljena u „Službenim novinama Općine Kakanj.“

**PREDSJEDAVALJUĆI  
OPĆINSKOG VIJEĆA**

Slaven Katičić, sr.

157.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
OPĆINA KAKANJ**

**Općinsko vijeće**

**Broj:** 01/1-33-240/19

**Kakanj,** 14.08.2019. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 3. Odluke o raspisivanju i održavanju izbora za članove savjeta Mjesnih zajednica Bištrani, Gornja Ričica, Kučići i Plandište, broj: 01/1-33-239/19 od 14.08.2019. godine, Općinsko vijeće na 33. sjednici, održanoj 14.08.2019. godine, donijelo je

#### **R J E Š E N J E**

**o imenovanju Komisije za provođenje izbora u Mjesnim zajednicama Bištrani, Gornja Ričica, Kučići i Plandište**

#### **I**

U Komisiju za provođenje izbora u Mjesnim zajednicama Bištrani, Gornja Ričica, Kučići i Plandište imenuju se:

1. **Sedin Karahodžić**, predsjednik
2. **Bahrudin Arnaut**, član
3. **Avdo Kovač**, član

#### **II**

Zadatak Komisije iz prethodnog člana je da:

- pripremi i organizuje provedbu izbora;
- odredi biračka mjesta na području mjesnih zajednica;

- brine o sigurnosti i dostavi izbornog materijala;
- obavještava građane o svim informacijama vezanim za izbore;
- podnese Općinskom vijeću izvještaj o provedenim izborima.

#### **III**

Ovo Rješenje stupa na snagu danom donošenja, a bit će objavljeno u „Službenim novinama Općine Kakanj.“

**PREDSJEDAVALJUĆI  
OPĆINSKOG VIJEĆA**

Slaven Katičić, sr.

158.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
OPĆINA KAKANJ**

**Općinsko vijeće**

**Broj:** 01/1-33-241/19

**Kakanj,** 14.08.2019. godine

Na osnovu člana 24. i 60. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 33. sjednici, održanoj 14.08.2019. godine, donijelo je

#### **Z A K L J U Č A K**

**o prihvatanju inicijative građana za osnivanje Mjesne zajednice Koprivnica**

#### **Član 1.**

Prihvata se inicijativa građana naselja Koprivnica i Donji Banjevac za osnivanje Mjesne zajednice Koprivnica.

#### **Član 2.**

Zadužuje se Služba za opću upravu, radne i zajedničke poslove, lokalnu samoupravu i mjesne zajednice da za narednu sjednicu Općinskog vijeća sačini prijedlog odluke o osnivanju Mjesne zajednice Koprivnica.

#### **Član 3.**

Ovaj Zaključak stupa na snagu danom donošenja, a bit će objavljen u „Službenim novinama Općine Kakanj.“

**PREDSJEDAVALJUĆI  
OPĆINSKOG VIJEĆA**

Slaven Katičić, sr.

159.

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO – DOBOJSKI KANTON**  
**OPĆINA KAKANJ**  
**Općinsko vijeće**  
**Broj: 01/1-32-207/19**  
**Kakanj, 27.06.2019. godine**

Na osnovu člana člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), a vezi sa članom 10. Pravila JU za predškolski odgoj i obrazovanje „Mladost“ Kakanj („Službene novine Općine Kakanj“, broj: 3/15), Općinsko vijeće na 33. sjednici, održanoj 14.08.2019. godine, donijelo je

### ZAKLJUČAK

**o davanju saglasnosti na Odluku o usvajanju Izvještaja o finansijskom poslovanju za period 01.01.-31.12.2018. godine JU za predškolski odgoj i obrazovanje „Mladost“ Kakanj**

#### Član 1.

Ovim Zaključkom daje se saglasnost na Odluku UO JU za predškolski odgoj i obrazovanje „Mladost“ Kakanj, broj: 431/19 od 20.06.2019. godine, o usvajanju Izvještaja o finansijskom poslovanju JU za predškolski odgoj i obrazovanje „Mladost“ Kakanj za period 01.01.-31.12.2018. godine.

#### Član 2.

Sastavni dio Zaključka je Izvještaj o finansijskom poslovanju JU za predškolski odgoj i obrazovanje „Mladost“ Kakanj za period 01.01.-31.12.2018. godine i Odluka UO JU za predškolski odgoj i obrazovanje „Mladost“ Kakanj o usvajanju Izvještaja o finansijskom poslovanju za period 01.01.-31.12.2018. godine, broj: 431/19 od 20.06.2019. godine.

#### Član 3.

Ovaj Zaključak stupa na snagu danom donošenja, a bit će objavljen u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**  
 Slaven Katičić, sr.

### SADRŽAJ

#### „Službenih novina Općine Kakanj“ 9/19

151. Odluka o izmjenama i dopunama Budžeta Općine Kakanj za 2019.godinu.....	1
152. Odluka o izmjenama i dopunama Odluke o davanju prethodne saglasnosti za dodjelu koncesije privrednom subjektu ZD RMU „Kakanj“ doo Kakanj za istraživanje i eksploataciju mineralne sirovine uglja na području općine Kakanj.....	3
153. Zaključak o preduzimanju mjera i aktivnosti za zaključenje ugovora o koncesiji za istraživanje i eksploataciju energetske mineralne sirovine-mrkog uglja.....	5
154. Odluka o izmjeni i dopuni Programa utroška namjenskih sredstava za zaštitu okoline Općine Kakanj za 2019.godinu.....	5
155. Odluka o izmjeni i dopuni Programa utroška neraspoređenog dijela namjenskih sredstava od prihoda preduzeća ostvarenih radom termoelektrana za 2019.godinu.....	6
156. Odluka o raspisivanju i održavanju izbora za članove savjeta u Mjesnim zajednicama Bištrani, Gornja Ričica, Kučići i Plandište.....	6
157. Rješenje o imenovanju Komisije za provođenje izbora u Mjesnim zajednicama Bištrani, Gornja Ričica, Kučići i Plandište.....	7
158. Zaključak o prohvatanju inicijative građana za osnivanje Mjesne zajednice Koprivnica.....	7
159. Zaključak o davanju saglasnosti na Odluku o osnivanju Izvještaja o finansijskom poslovanju za period 01.01-31.12.2018.godine JU za predškolski odgoj i obrazovanje „Mladost“ Kakanj.....	8